

Ikalaata ilya wutatu ilya Yookhani Uwandilo

Umusundikwa uYookhani ásimbile ikalaata ili ifupi, kwa mulongozi uwo uwa Bhakilisiti, itaawa lyakwe bhakhatinji uGaayo. Mwi kalaata ili uYookhani akumupaala uGaayo, kunongwa ye abhaposheleeye akhinza abhahombi bhamu bhe bhásonteleziizwe mu shibhanza shiila. Akumulamba uGaayo kulandata injendo iya Bhakilisiti bhe bhakubhomba inyinza. Khabhili akumabhuzya kuti atabhalandataje bhe bhakubhomba imbiibhi, na bhaala bhe bhakuyibhikha kuti bhapiti mu vibhanza.

Uwandilo

¹ Ine numusongo uwa shibhanza, inkukusimbila iwe Gaayo wu muganwa waani, we inkuganile ku wanalyoli.

² Muganwa waani, inkupuuta kuti ujendeelele akhinza ku zyonti mu wikhalo waakho. Inkukulaabhila umabhili waakho wubhe akhinza, inga ukujendeelela akhinza mu wupeeka waakho nu Mulungu.

³ Násesheeye nhaani, abhanholo bhitu bhamu mu lwitikho we bhinza na kumbuzya kuti ukujendeelela kulema izya wanalyoli, na kwikhala mu wanalyoli.*

* **1:3 1:3** *Na kwikhala mu wanalyoli Kwi dala ilyamwabho amazwi ganaaga gakuti nalyoli ukwikhala mu wanalyoli.*

4 Khataliipo akhantu khe khakumpa uluseshelo ulupiti nhaani kushila kwimvwa kuti abhaana bhaani bhakujendelela kwikhala mu wanalyoli.

Uwusunde wa Gaayo

5 Munganwa waani, iwe we musunde ku ziila zye ukubhabhombela abhanholo mu lwitikho, she poope bhajeni kukwakho.

6 Bhashibhuziize ishibhanza isha piipa ulugano lwakho. Inkukulamba, ujendelele kubhaavwa akhinza anza she uMulungu ayiganile, bhajendelele kushuula.

7 Kunongwa ye bhandile kushuula kumubhombela uMwene uYeesu sita kuposheela akhantu naakhamu akha kubhaavwa kufuma ku bhantu bhe bhatakumwitikha uMulungu.

8 Pe shiniisho, itwe tukhondeeye kuti tubhavwaje abhantu anza bhanaabho, inga tubhombaje peeka nabho imbombo kunongwa ya wanalyoli.

UDiotileefe nu Demetiliyo

9 Nashesimbiiye ishibhanza ikalaata, ileelo uDiotileefe we akuyibhiikha pilongolela ngati we masongo waabho, atakusaajila zye insimbile.

10 Pe shiniisho, we ninza kunuukwo, inhayivundula apazelu zyonti zye akubhomba, kwe kuti amasenha na malenga ge akutwandila. Te ziniizyo nyeene khaala, lyoli akukhaana kubhaposheela na bhanholo bhitu mu lwitikho bhe bhakushuulila kunuukwo. Khabhili akubhadinda abhantu abhanji bhe bhakwanza kubhaposheela, na kubhabhinga mu shibhanza.

¹¹ Mũganza waani, ũtenyezyaje kubhomba imbiibhi, lyoli ũbhombaje inyinza. Wowonti we akubhomba inyinza, wũũũyo we muntu wa Mũlungũ. Ieelo wowonti we akubhomba imbiibhi, wũũũyo atakũzyaganya kũti ũMũlungũ wu naanu.

¹² Abhantũ bhonti bhakusimishizya kũti uDemetiliyo muntu mwinza, ni mbombo zyakwe izya wanalyoli zikusimishizya kũti mwinza. Poope niitwe, tukusimishizya kũti muntu mwinza, niuwe umanyile kũti ulusimishizyo lwitũ lwa nalyoli.

Indamũkho izya kũmaliliza

¹³ Indi na mazwi aminji ge nanzaga kubhasimbila, ileelo intakwanza kusimba genego mwi kalataasi nu wiino.

¹⁴ Lyoli inkũũũbhila kũkũyaatila nalũbhilo inga tukhalonje we twalolana.

¹⁵ Uwutengaanu wũbhe peeka niuwe. Abhamanyani bhiiitũ abha piipa bhakũkũlamũkha. Niuwe, ũtũlamũshile abhamanyani bhiiitũ kũnũũkwo weeka weeka kwi taawa lyakwe.

**ULufingo uLupwa ku ndongo iya Shimalila
Malila: ULufingo uLupwa ku ndongo iya Shimalila
(New Testament+)**

copyright © 2020 Wycliffe Bible Translators, Inc.

Language: (Malila)

Contributor: SIL International (in Africa)

All rights reserved.

2020-11-18

PDF generated using Haiola and XeLaTeX on 18 Mar 2025 from source
files dated 29 Jan 2022

3aa8e7a3-f258-5182-ab3f-fbc6f725bb06